

जगाया जागो म्हारा बीर,  
दोहा संस्कार संयोग से,  
सतगुरु मिले सुजान,  
तप्त मिटावे तन की,  
बन्दे तू तेरे को जाण ।  
जीव पीव भेळा भया,  
मिटगी खेंचाताण,  
खिंवा आनंद आपरो,  
केंवा करूँ बखाण ।  
सत्संग की आधी घड़ी,  
आधी में पुनिआध,  
तुलसी संगत साध की,  
कटे करोड़ अपराध ।  
तपस्या वर्ष हजार की,  
सत्संगत पल एक,  
तो भी बराबर नहीं तुले,  
सुखदेव कियो विवेक ।  
नींद निसाणी मौत की,  
ऊठ कबीरा जाग,  
और रसायण छोड़ के,  
थू राम रसायण लाग ।  
सुता सुता कांई करो,  
सुता आवे नींद,  
काळ सिरहाणे आय खड़ो,  
ज्यूँ तोरण आयो बींद ।

जगाया जागो म्हारा बीर,  
क्यों सुत्या रे अचेत नींद में,  
करो सत्संग में सीर ॥

सत्संग बिना न लागे सिंवरना,  
जैसे खोटा कतीर,  
राम नाम की सार न जाणे,  
काई करेला मुड जीव ॥

सत्संग घाट सुहावणा रे,  
जामे निर्मल नीर,  
नुगरा पापी नहाय नी जाणे,  
नहावे मस्त फकीर ॥

जिनके बाण लगिया गुरु गम रा,  
मार लिया मन मीर,  
आठहु पहर गुरुजी रे चरणों मे रेवो,  
चहुदिस भळके हीर ॥

लादुनाथ मिल्या गुरु सायब,  
केवल मुरसत पीर,  
खिंवा सार शब्द वाळी लेवो,  
उतरो परले तीर ॥

जगाया जागों म्हारा बीर,  
क्यों सुत्या रे अचेत नींद में,

करो सत्संग में सीर,  
सत्संग बिना न लागे सिंवरना,  
जैसे खोटा कतीर ॥

गायक शंकर बराला ।  
प्रेषक रामेश्वर लाल पँवार ।  
आकाशवाणी सिंगर ।  
9785126052

Source:

<https://www.bharattemples.com/jagaya-jago-mhara-beer-chetawani-bhajan/>



# Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>